

欽定剿平三省邪匪方略

正編

一
二
三

卷之二

七

七

欽定剿平三省邪匪方略正編卷二百六十四

辛酉年

七月初二日

丙子

吳熊光全保長齡奏言查湯劉

二逆會合辛聰等股並黃號賊首張萬林白號

賊首王鎮賢入楚是以人數較多前於四月間

黃白二號由陝境闖入經

臣

長齡截出川界茲

復夥同湯劉二逆竄來分道滋擾極為狡譎
萬林於初七日率眾偷撲營盤經官兵鎗傷賊

衆搶回各首逆稍知畏法嗣由栢木等處原路

散竄^臣等知會七十五及飭令孫清元吉林泰

等兩路兜攔逼剿一由袁杜坪抄東而西一由

扇子壩抄北而南^臣等由上龕仍派官兵自北

向南直壓將山內通鄖均小徑全行遏住聲勢

極爲聯絡陸續搜獲散匪共二百餘名皆係精

壯子手概予駢戮其孫清元一路緊躡賊後該

匪復攢集大隊繞出帽了嶺欲閃過官兵仍向
東走東湖保康地界適七十五率領官兵攔至
叅將鄭起貴都司閻俊烈羅思舉蒲佑盛等分
帶兵勇迎前突出匪衆頭隊猝不及備當被殺
數十名卽折回逃避侍衛武隆阿營總傅森額
等領馬步隊並進忽左右林內擁出大衆吶喊
衝撲官兵三面連環齊發初以馬兵攪殺繼用

大礮轟打斃賊一百四十餘人時有馬賊前後
指揮督陣情形甚覺兇惡官兵瞥見搶上圍殺
兵丁賀應彪首先衝入用長矛直戳墜馬割取

首級餘匪大敗退走武隆阿鄭起貴等分投追
進沿途又擒獲活賊八十九名搶得白旗鎗矛
等件訊據活賊李前吉供稱此各股賊內湯劉

張王為首張萬林是黃號頭目王鎮賢是白號

頭目及各王國賢向在前敵與官兵接仗今日
領衆要衝開東路行走不料被殺卽令其認出

首級並研訊衆賊所供僉同現將該犯屍身查

出臠割首級傳示被擾地方兵民無不歡悅一

面察探各賊股知已由九道梁向北竄走似欲

奔近上龕

臣

全保長齡卽督兵由仙家坪一路

進擊鎗斃騎馬賊探十一人賊衆又折回分股

一向紅坪南遁一向灣腰樹西走均與川境大
寧相距不遠且賊勢節經痛剿實已敗殘無難
驅逼出境又探聞勒保帶領官兵在大寧北面
探蹤迎剿楚省官兵自應緊跟賊後壓擊惟據
報竹谿之石板河又有零匪一股竄逸勢將東
趨竹山縣境經畧額勒登保已督兵抄至兜剿
而平利之火小樹河漆扒等處復有龍紹周股

匪往來竄突距各卡隘甚近叅贊德楞泰由界

嶺攔剿不日亦將到境臣等熟思籌顧大局分

路堵剿趁此官兵雲集之時並力夾擊早殄賊

氛現在上龕獅子崖等處爲東北腹地扼要臣

吳熊光仍督飭副將朱士奉等暫紮獅子崖臣

全保長齡已帶兵過住仙家坪上龕以防各匪

竄近飛札七十五並孫清元兩路仍分投緊逼

湯劉等逆向西南前進若在川楚邊境卽可與
勒保兩面合擊倘該匪復與石板河賊股會合
則截其東突又可與額勒登保大兵會剿並知
會明亮一路官兵由竹山取道橫擊分佈已極

嚴密

臣

吳熊光因楚省添集官兵糧餉關係緊

要房縣爲各路糧運總滙之地距獅子崖不遠
可以往來督飭分路供運現在各路敗匪皆至

川陝楚三省邊界希藉地勢交錯之處往來折
避苟延殘喘今官兵三面逼近賊勢已蹙就楚
省而言惟有併力從東北擠向西南無論何股
總期與川陝官兵聯絡夾擊不令乘隙折回則
次第殲除可冀剋日蕪功適又接據竹谿縣郭
淵極稟報經畧額勒登保兜剿一股竄匪於二
十日行抵楚省竹谿縣屬會灣地方知府王正

常已攜帶軍火糧餉趕緊前往預備支放又接
叅贊德楞泰來信龍紹周張家營等數股殘匪

於十七日竄向芳古坪德楞泰現由正南雞心

嶺追剿前來並經德楞泰就近札知明亮德昌
帶兵分投迎堵現在楚省湯劉等逆暨各股殘

匪節經臣等剿敗逼向邊界逃遁恐該匪等聞

有賊股竄楚又復折回牽綴我兵臣已飛速寄

知全保長齡並札飭總兵孫清元等併力顧住

楚省東北面免致賊蹤闖入荆襄腹地再向西

南夾剿並知會提

臣

七十五暫留川楚邊界適

中扼要之地相機截剿現在明亮德昌在二竹

堵截亦在賊匪之東北探得額勒登保德楞泰

兩路大兵均由西南躡剿前來賊匪必由東北

奔突

臣

吳熊光隨時飛咨各路官兵正可趁此

大兵雲集之時就地圍剿殲洗不使逆匪漏逸

奏入

上命軍機大臣傳諭吳熊光全保長齡曰此次藍白
二號賊首張萬林王鎮賢復夥同湯劉二逆分竄
滋擾經吳熊光等分飭七十五孫清元吉林泰等
兜闌逼剿賊匪仍東走東湖保康地界適七十五
督率官兵奮勇攔截多有斬獲并將賊首王鎮賢

殲斃賊勢潰敗此係七十五之功著加恩交部議
敘至王鎮賢指揮督陣時經官兵趕上圍殺兵丁
賀應彪首先衝入賊隊矛戳該逆墜馬割取首級
實屬奮勇賀應彪著加恩超陞把總卽用其餘同
時撲上圍殺之官兵並著吳熊光等查明保奏候
朕再加恩賞至所稱經畧額勒登保已抄至竹谿
兜剿東趨賊匪叅贊德楞泰亦已由界嶺攔剿至

卷之三十一 國朝通志卷之三十一

雞心嶺一帶等語此時陝省各股竄匪經經畧叅
贊兩路勁兵逼剿總思闌入楚境吳熊光等惟當
併力從東北逼向西南以堵爲剿與川陝官兵連
絡夾擊以期悉數殲擒斷不可令其竄近均穀一
帶又形散漫設堵禦稍有不力致令闌入則惟吳
熊光全保長齡是問現在已屬秋令正可鼓勵官
兵上緊堵剿果將各股首夥卽在房竹一帶盡數

殲除卽當同膺懋賞吳熊光等不可不倍加奮勉也

初八日壬子德楞泰奏言竊臣前在平利大貴坪

與經畧額勒登保會合將川陝楚現在股匪及
剿辦大局熟商籌計額勒登保由東北向西南

進擊臣卽帶兵由白土關八卦廟西進所有龍

紹周等夥聚張家營戴家營崔胡二逆並藍號

李炳賊匪分股逃竄川楚暨連日追剿各情形

因距額勒登保軍營不遠臣俱已隨時詳晰寄

呈奏報十八日臣兵抵川陝交界之黑虎嶺探

知龍逆張家營等賊匪又翻茅壩大山由一碗

泉向大寧雞心嶺竄入竹谿之巴豆園茅古坪

一帶戴家營崔胡二逆並藍號李炳分股搶撲

西溝西密河卡隘均經都司鄧興相守備胡宗

典督率兵勇堵禦未能衝過遂翻漆扒老林竄
入豐溪湖向洞賓口五里埡東來查黑虎嶺距
洞賓口不過七八十里自應就近截剿是夜四
鼓卽帶兵取道竹谿之西溝進擊午後由洞賓
口趕至五里埡探報該逆等已向高足河竄去
當卽催兵趕至紅巖溝見賊匪四五百名將進
溝內當令賽冲阿温春色爾滾等帶領馬隊由

溝口大路飛馳進擊

臣

督率馬瑜蒲尙佐等帶

馬步兵勇分上左右兩邊山梁繞前抄截詎該

匪一見官兵並不接仗惟亡命前奔出溝後卽

紛紛扒山越林四散亂逃我兵分投追剿立斃

賊匪約二百餘名擒獲活賊樊正元何漢林等

七十八名奪獲賊旗馬匹刀子等件訊據獲賊

樊正元等供稱係戴家營崔宗和胡明元李炳

等合夥有三千餘人在石渣河與龍紹周商量
分路行走可以牽綴官兵又可擄食總到湖北
地方再會龍紹周張家營等走大寧山裏轉往
湖北我們就翻漆扒老林到豐溪我在賊營會
聽說徐添德被官兵殺死等語諛明後俱已分
別辦理差探該逆等又由馬鞍嶺竄大河小河
直出松樹坪與龍逆所竄之茅古坪相近勢必

又合正可聚殲臣鼓勵官兵俱各奮勇連日又

由竹山之天地埡追躡東來二十二日我兵於

馬鬃嶺趕上龍逆股匪臣督同賽冲阿温春色

爾滾馬瑜蒲尙佐等帶領馬步兵勇分投趕剿

當斃賊匪三百餘名生擒李晉光等一百二十

三名奪獲旗幟騾馬直至山頂賊匪卽由白河

口梨樹埡翻越數重大山向平渡河逃竄二十

三日賊又向青峰溝一路奔逃孫清元等帶兵
迎截前來該逆等探知前有官兵遂又折八里

坡走木耳溝鑽入老林西竄

臣

於二十四日趕

至木耳溝查木耳溝一路有懸崖偏橋十一處

只可單騎魚貫而行賊匪過後盡皆折毀該匪
狡猾異常所走之路總欲疲我兵馬若跟追而
進反受其愚弄查該處路通老木孔金竹園西

南走瓦桑河又通紅坪向家壩之路西北走瓦
房坪官渡河卽通竹谿現在賊勢迥非前比前
因川省洞寨嚴緊無可擄掠應將賊匪逼入川

境剿辦較易爲力現在臣與七十五兩路官兵

均在楚省剿賊而經畧額勒登保已入楚境竹
谿一帶探剿是三省大兵盡在于楚而龍逆駁
聚各股餘匪亦不過六七千人若逼截回川勒

保現在川東相離較遠以臣一旅之師跟剿未

免稍稍時日今將該逆等逼向西竄正是極好

機會

臣

派令千總馮正相帶領鄉勇二百名多

張旗號入老林尾躡遙爲大兵聲勢擬令孫清

元托爾托保吉林泰等帶領馬步兵勇由南面

平渡河一帶西進遏其由向家壩入川之路

臣

督同賽冲阿温春等由北面板欖垭瓦房坪直

趨官渡河西剿並移咨明亮帶兵在豐溪一帶
截住竄陝老林之路並詳晰咨呈額勒登保處
自必撥兵追剿以各路大兵四面兜擊絕其狂
奔之計定可即日掃除再查湯劉賊股已由九
道梁竄赴羅漢洞張公橋有入川之勢七十五
帶兵緊跟前追孫清元由舉人坪前來迎剿龍
逆等股賊匪全保長齡恐蕩劉二逆折回帶兵

在獅子壩堵截頃接額勒登保來信冉寧勝股
匪屢被楊遇春截剿只剩二百餘人遁入老山
現在分兵搜捕卽可掃除又大寧山內桐油壩
有冉添泗一股約有一二千人在彼游奕南江
山內尙有高二餘匪一二十人往來滋擾此外
餘匪藏匿三省交界老林之中已經額勒登保
分派官兵搜捕並通飭及石州縣妥爲招撫卽太

平一帶臣已札飭總兵託雲泰就近鼓勵各洞

寨團勇隨同官兵逐處搜捕務期淨盡再臣自

松樹廂追賊至今旬日賊匪行徑均係老山險

仄之路雖官兵緊躡總未能大加痛剿被擄難

民乘空逃出者日或數十名至百餘名共計陸

續逃出大小男婦八百七名係平利竹谿附近

百姓隨時給予銀米路票就近釋放回籍尙有

渙散自行回家者諒亦不少細訊賊營情形實

因絕食衆心渙散臣因將獲犯內陳大貴郭安

泰二名留營逐日隨行令其日擊省釋難民察

其詞色頗知感激臣又謹遵疊奉

諭旨剴切宣示曉以利害如著名首逆王廷詔等先

後均被擒斬所剩餘匪無幾旦晚即可剿盡仰

惟

皇上好生如天念爾愚氓無知不忍一概駢誅不但
被脅百姓卽習教賊匪並首逆等有能悔過投
出者一併赦宥或能縛獻首逆立功者亦卽給
予銀兩官職並另繕簡明告示數張遣回賊營
傳宣該犯等欣然願往臣隨令持示前去如果

該犯等辦理有效俟其回日臣卽重加獎勵

德楞泰又奏言臣前奉

上諭以首逆張允壽被孫清元所帶官兵打仗中斃

身死令

臣

查明轟斃張允壽確係何人等因

臣

當

卽敬謹恭錄咨行長齡等確查移覆茲准長齡

等覆稱是日熊藏山打仗前敵係副將吉林泰

二等侍衛呢瑪善帶兵首先進剿搶上山梁安

穩礮位把總蔣光奎看定準頭馬兵楊文光執

繩點放轟斃多賊惟見一賊中礮衆賊搶扶而

去賊卽敗走當時實不知是何人未敢遽行入

告茲蒙查詢理合移明等情臣覆加查核無異除副

將吉林泰臣與額勒登保會奏保陞宜昌鎮總

兵外二等侍衛呢瑪善首先帶領官兵進剿卽

轟礮擊斃首逆應請

旨量予鼓勵以頭等侍衛陞補其把總蔣光奎馬兵

楊文光均請

賞戴藍翎以千把卽補之處出自

天恩奏入

上命軍機大臣傳諭德楞泰曰朕盼望各路軍營捷報宵旰縈心而於額勒登保德楞泰兩路尤爲厯切乃德楞泰自前月十二日報到後直至本日始行續有奏報相距幾及一月不但朕懸盼焦切卽在廷諸臣亦同深跂望况此摺內所敘情形僅礙

賊匪六百餘名而首逆龍紹周等尙未就獲亦不
過尋常奏報何庸遲至多日乎又據稱連日追剿
各情形因距額勒登保不遠俱已隨時詳悉寄呈
奏報殊屬非是經畧叅贊位分相近德楞泰如果
與額勒登保同在一處凡有奏報自應連銜具摺
若相距數十里卽當自行專摺具奏何必寄呈經
畧輾轉稽延德楞泰寧不知朕屢念軍務無時或

釋耶嗣後如係擒獲首逆喜報自應用六百里加
緊若打仗得勝用六百里馳奏卽並未與賊接仗
或殲賊無多亦當隔數日用五百里奏報一次毋
得再有稽延此次德楞泰將龍紹周等逼向西竄
分令孫清元等由南面平渡河一帶遏賊入川之
路德楞泰督同賽冲阿等由北面直趨官渡河進
剿移會明亮截住竄陝老林之路并知會額勒登

保撥兵追剿各大兵四面兜截使賊匪無從竄逸
所辦甚是惟望將龍紹周等股卽在湖北境內剋
期殲除佇待捷音速至至不能成股之賊不過一
二百三四百人藏於三省交界之中亦不可忽畧
殘匪雖屬無多但無官兵逐處搜捕任其勾結合
夥必致又成大股現在峽境已經額勒登保派員
搜捕德楞泰亦札飭托雲泰帶同兵勇逐處搜捕

務於七月內將大股各首逆殘敗餘孽一律殲除
爲要又德楞泰奏遵照前旨令獲犯陳大貴郭安
泰二人攜帶告示同回賊營傳布招撫一節所辦
亦是如果該犯等辦理有效賊匪聞風投出自當
照前旨分別辦理歲功更易也

上諭內閣曰德楞泰奏查明轟斃首逆張允壽出力
官兵除副將吉林泰業經陞用總兵外所有二等

侍衛呢瑪善著以頭等侍衛陞用把總蔣光奎著
以千總卽補馬兵楊文光著以把總卽補均加恩
賞戴藍翎以示鼓勵

同日長麟陸有仁奏言查安插鄉勇爲善後第

一要務本年三月間臣等奏明請於大功告蕝

後將鄉勇撥歸各營當兵或分交各州縣以壯

丁等役挑補欽奉

諭旨照議辦理惟是鄉勇人多勢眾不可一日乏食

此事若不早爲籌畫大功一經告藏各鄉勇以

人待缺仍不免於嗷嗷除

臣

等已於五月內飭

知各營汎州縣遇有馬糧缺出仍以陳兵內之

步守拔補其所遺步守各缺毋庸招募卽留俟

將來安插鄉勇其各州縣所出壯丁各缺亦卽

一體扣留竊惟章程不厭周詳祈辦理方無掣

肘現在陝省各路鄉勇中四川湖北陝西之人
最多將來如有情願在陝省入伍當差者自應
一體安插不可過分畛域其中有川楚之人情
願各回原籍入伍當差者亦有雖回原籍不願
入伍當差者并有陝西之人或有父兄可依或
有舊業可復亦不願在陝西入伍當差者若不
條分縷晰預定章程必致臨時倉猝伏思此等

鄉勇倘有不願入伍當差者自應別籌安置之
法然若議以查出叛產撥給鄉勇其勢似亦有
隔碍難行之處緣教匪多係川楚之人陝省叛
產本屬無多將來既須安插無業難民必致所
餘無幾且鄉勇不諳耕作將來牛具籽種之外
仍須給與口食其糜費既屬繁多而受產之各
鄉勇於待時播種及未經收穫以前亦必致私

相典賣蕩費無存仍不免於乏食滋事但各鄉
勇既不願入伍當差叛產又屬不敷分撥若竟

任其各自散歸竊恐若輩賦性桀驁一旦口食

無資途次結夥搶奪擾害良民勢必不免臣等

悉心酌議應請於大功告成之日即將各路鄉

勇分別問明情願留陝者留於陝省安插其有

不願留陝者亦不准其自行星散仍令歸成隊

伍人少則歸一隊兩隊人多則歸爲三四隊或五六隊仍按名按日給予口食銀兩並按隊各派叅遊都守率同千把外委等官分隊帶領四川者送歸四川湖北者送歸湖北應由四川湖北派官在交界處所接收各就地方情形妥善安插其有原籍陝西或有父兄可依或有原業可復不願入伍當差者亦不許其各自散歸亦

按日按名給子口食銀兩酌派都守千把送歸
原籍俟到籍之日由原籍州縣每人給一月口
食銀三兩作爲貲本復業安生俾不致於流蕩
仍嚴飭各該州縣營汛及保甲鄉約等不時嚴
密稽查如散歸鄉勇內有在籍生事不安本分
之人卽行拿究辦理懲一警百如此分別辦理
恩威並濟各鄉勇亦必知感知畏不致別生事

故惟是大功告蕝後情願入伍當差之鄉勇確
有幾何殊難預定倘或將來人多缺少亦不可
不預先籌畫查現在各路鄉勇中如經畧額勒
登保叅贊德楞泰提督楊遇春總兵穆克登布
所帶鄉勇俱係四川湖北之人且常川打仗搶
獲賊匪貨財驟馬俱經陸續寄回原籍將來大
功一經告蕝此等鄉勇止須給予路費口食卽

可仍回原籍各安生業亦不須再行入伍當差
又各廳州縣所募鄉勇多係本地土著居民賊
至卽增僱數百人賊去卽減撤數百人招來揮
去已成習慣又如藩司王文湧所帶鄉勇暨省
城所練防守峪口之各壯丁俱係就近僱募將
來大功告蕞此等鄉勇可立時令其回家不必
給與口食路費亦可保其相安無事惟西鄉南

鄭現在防堵之鄉勇共計有七八千名遊擊薛

國相所帶防守南山北面之鄉勇一千名原任

總兵柯藩現帶鄉勇三千名約計共有鄉勇萬

餘名此項鄉勇將來有家可歸者少無業可安

者多其有家可歸者仍照前議給與路費口食

到籍給與貲本銀兩外其無業可安者計南山

內寧陝營汛將來尙有應招新兵約可補缺一

二千入又^臣等現在公同會商擬將固原提督

改設漢中尙未具奏將來如蒙

俞允亦可將應行安插鄉勇招爲新兵計可補缺二
三千其餘尙有無缺可補之鄉勇數千餘人除
再撥給各州縣挑充壯丁各役外其餘自應仍

照^臣等前議一概收入營汎酌量營分大小按

營派撥作爲餘丁此項餘丁若令按名候缺揆

補有需時日若一概增添錢糧則

國家經費有常未便虛糜臣等悉心酌議查陝甘

兩省共額設營馬三萬二千二百九十餘匹嘉

慶四五兩年調動營馬一萬四千五百二十餘

匹已補馬六千七百餘匹尚有未補馬七千八

百二十四匹北項缺額馬匹於大功告成後若

卽令其如數買補亦未必能依限買補齊全且

自軍興以來陝甘兩省調馬最多尙存未調馬
二萬餘匹是營馬已屬充足亦可無庸急急買

補應請卽將此項節省馬乾銀兩養贍餘丁計
馬三匹應得草乾按照步兵分例可養餘丁二
人將來餘下補缺二人騰出草乾三分卽可買
補馬匹人以漸次補缺馬亦漸次補額不過一
二年間數千鄉勇卽可全數補完數千缺馬亦

可全數補足似與安插剡勇支用經費兩有裨
益奏入得

旨軍機大臣會同兵部速議具奏

Blank space within a column.

Blank space within a column.

Blank space within a column.

Blank space within a column.

Blank space within a column.

Blank space within a column.

Blank space within a column.

欽定剿平三省邪匪方略正編卷二百六十五

辛酉年

七月初九日

癸未

額勒登保奏言

臣

昨抵陝楚交

界之關垵籌剿賊匪探得竹谿之廣龍灘石板
河唐家坪等處有零股賊匪滋擾其勢將由官
渡東竄並接德楞泰來信知崔胡等股賊匪由
石渣河胡溪竄往湖北豐溪龍張等逆竄入大
寧之東溝又由東溝竄入楚境之菜子壩巴斗

園毛姑坪德楞泰督師由雞心嶺進剿等因

臣

查竹谿境內既有零匪又有崔胡等逆竄入而

德楞泰所剿龍紹周等人數較多被兵剿潰或

又直向東奔則楚之竹山竹谿甚爲緊要

臣

卽

於十九二十二等日率同札克塔爾等帶

領官兵由竹谿之龍王垵會灣雙竹園火燒坪

泉河緊顧東面探蹤兜截沿路偵探德楞泰所

剿之龍張等賊向東南逃竄而崔胡等股賊匪

均竄至劉家坪等處臣卽於白家壩王家山橫

擔山緊顧東北向西南逼進沿途據探差稟報

及逃出難民供稱賊匪聞臣帶兵已至白家壩

一帶不敢東奔臣於二十六日趕抵豐溪探得

賊匪約共二三千人由紅銅山大溝向陝界之

胡溪地方西竄又明亮德昌等於十七八等日

帶兵由雙竹園石板河探剿東竄賊匪擒斬一
百餘人係青號藍號及戴家營零股賊匪被剿
後卽向玉溪河一帶逃遁明亮德昌等帶兵由

蔡家壩等處截擊臣已知會明亮並飭德昌等

務須仍從東面向西兜擊以便合剿目下竹山
竹谿之東該匪俱未能深入臣現駐之豐溪係

川陝楚三省毗連之處距賊竄之胡溪不遠正

擬發兵殲洗而夜間大雨如注二十七入九連
日不止山水陡漲急切不能前進實深焦憤一
俟雨水稍退速卽趕緊向西剿洗其楊遇春所
剿冉學勝股匪自白菓坪一帶接仗後賊勢愈
形窮蹙於茅坪朝天坡金盆坳一帶輾轉逃匿
又有山中藏匿別股零匪與之合夥共計不過
千人楊遇春與格布舍張鳳等分帶兵勇不分

雨夜四路搜剿日有斬獲臣恐該匪由東北竄

出復派令總兵劉瑞副將楊芳帶領兵勇於八卦廟會家壩一帶探聽截剿該匪聞風於十九

二十等日西竄織子坪劉瑞楊芳亦卽帶兵從化龍山抄向江西街兜剿而進楊遇春與格布舍喜明馬玉魁等分路合圍滿擬一鼓掃蕩詎山勢寬濶該匪復乘夜由懸巖陡壁無路之處

竄至灤河兵勇躡蹤追殺殲賊一百數十人生擒五十六名內有冉學勝之姪冉世升一名其餘皆兇悍老賊均卽分別凌遲梟示現在該匪於深山老林中晝伏夜出並無騾馬所剩不過數百人我軍馬不能行楊遇春等已督飭鎮將等各帶步兵鄉勇分爲數路深入險阻趕緊搜捕諒不日可以撲滅

臣現在向西進剿更可就

近督催速辦至湯劉等股賊匪昨接吳熊光來
信近經七十五長齡孫清元等疊次奮擊連獲

勝仗擒斬多人該匪向西逃遁茲接七十五呈
報近日帶兵追剿又有斬獲並殺斃賊目王鎮
賢該匪竄往柏木壽陽仍係房縣地界現在乘

勝趕辦等語日內或已就地掃除或已逼回川

境

臣

又復飛行飭催再德楞泰剿辦龍紹周及

張姓等股賊匪聞由徐家壩招風巖一帶進發

賊匪倘從東趨勢必由楚之九道梁入房縣境

內七十五孫清元等現在該處自當迎剿又可

與德楞泰協力夾擊如該匪西遁卽入大寧德

楞泰定卽跟踪追入川界惟與臣相距已有四

百餘里連日大雨未接來信一切情形德楞泰

自當具奏刻下陝省漢南西紫一帶頗屬寧謐

且有慶成胡定泰富蘭等在彼堵剿可以無慮
而此時賊匪均係被剿零股散聚無常人勢多
在陝楚川省邊界藏匿此一帶層山疊嶺多係

老林各該處民人雖有寨砦而稀疎零星不能
聯絡故賊匪於陝境被剿情急則遁入川楚楚
境被剿情急仍遁入川陝東折西奔苟延殘喘

各路官兵分投剿辦臣惟有督飭各路提鎮將

領益加奮勉以冀速行葺功奏入

上命軍機大臣傳諭額勒登保曰此時湯劉龍張等
股賊匪俱在房縣一帶崔胡等股竄至陝界胡溪
與湖北豐溪相近是其往來奔突總不越陝楚川
三省交界處所現在額勒登保德楞泰兩路勁兵
已先後至楚與吳熊光全保長齡等堵剿之兵三
面連絡互相策應諸路重兵亦俱在陝楚川三省

邊界正可一鼓作氣聚而殲旃至所稱六月二十
七八等日大雨如注急切不能進兵俟雨水稍退
趕緊剽洗等語諒係實在情形但此旨到楚後亦
已將屆白露天氣晴爽道路乾燥正可施展兵力
懋額勒登保斷不肯託詞延緩惟當督飭各路領
兵大員同心協力鼓舞將士合力兜圍迅速蕩事
期於七八月內將各股首夥各逆剷除淨盡捷音

一到立沛殊恩勉之望之再昨據德楞奏大寧
山內有冉添泗一股約一二千人在彼遊奕又南
江山內高二餘匪亦有一二千人往來滋擾等語
此二股賊匪現係何人剿辦額勒登保何以並未
提及著卽查明具奏并嚴飭剿辦之員趕緊剿淨
勿留餘孽爲要

初十日

甲申

勒保奏言

臣

前在東鄉境內將青藍

兩號餘匪殲除淨盡維時巴南一路均有自陝

關入餘匪分投竄擾

臣

正督兵前往探剿十八

日胡家場途次接據廣安州稟報有匪徒張老

五李合等糾衆滋事戕害弁役之案必須

臣

親

往查辦當將統領官兵交阿哈保薛大烈暫時

管帶探賊進剿茲據阿哈保薛大烈報稱帶兵

在王家寨一路進發探得巴州境內有賊二千

餘人係青藍黃三號餘匪賊營元帥係徐樊王

劉四姓當卽帶兵連夜兼程前進二十二日午

刻趕至巴州之龍泉壩探得賊衆已竄至石叟

山距我兵七十餘里查詢賊屯處所有龍鳳垭

酒店垭土地坎三條去路阿哈保薛大烈恐該

匪聞風驚竄西刻先派遊擊楊春榮都司馬成

林各帶兵勇四百名在龍鳳垭酒店垭兩路埋

伏又派都司薛陞帶兵勇五百名在土地坎堵

截阿哈保薛大烈帶同協領達斯呼爾岱佐領

托永安叅領依爾庚阿葉楚副將張績叅將羅

聲臯李錦麟遊擊傅廷佐鄔海慶李得桂涵等

於二更時分帶滿漢兵勇由馮家院陡梯坎兩

路進發次日五鼓行抵石叻山地方賊匪聞信

卽向土地坎一路竄走已有薛陞所帶兵勇在

彼攔截賊匪不能卽上遂集衆攻撲正在相持
間適兩路大隊官兵趕到前後夾擊賊衆分投
抗拒甚形兇悍我兵人人切齒往來衝殺斃賊
三百餘名當將徐添德之弟徐添壽並僞元帥
王文科擒獲賊匪思欲奪回竟分路前來擁撲
我兵鼓勇力戰並經阿哈保薛大烈督率馬隊
官兵四面衝壓將賊衆截爲數段其時楊春榮

馬成林薛陞等三路齊至與大隊官兵併力環
攻分投截殺又斃賊五六百名賊勢潰散紛紛
奔竄俱穿林跳巖而走此股匪衆均係精壯戰
手兇橫異常與官兵捨命格鬪各路官兵悉力
趕殺圍逼甚緊箭射矛戳殲擒殆盡統計生擒
徐添德之弟徐添壽徐添德之子徐大寬徐添
德之姪徐大朝王登廷之弟王登高王登廷之

子僞元帥王文科僞總兵劉學詔探馬頭李純
緒李思益總牌頭孫大礮等九名並活賊六百
十八名又於賊屍內認出魏五掌櫃一名搶獲
賊旗刀子等件當經阿哈保薛大烈將現獲各
犯分別審訊據徐添壽供稱與胞兄徐添德同
時起事向與徐添德同在一路近被德將軍官
兵在湖廣陝西地方連次追殺該犯在毗河鋪

老林被官兵衝散原與樊人傑同走後在毛峪
鎮竹峪關等處遇見王登高劉學詔魏五掌櫃

等各帶三四百人聚集一處聽聞徐添德已經

淹斃衆人就推徐添壽爲首王文科爲元帥劉
學詔爲總兵樊人傑要到各處糾夥齊人就令

魏五掌櫃卽魏大可暫時替伊管事徐添壽卽
商量回川沿途凡遇各股打散餘匪到處湊集

近

近在巴州地方攻破一寨擄掠人口所以奏有

二千餘人等供阿哈保薛大烈將現獲各犯內

訊出甫經被擄男婦何元龍王陳氏等二百十

二名口就近省釋其餘夥匪四百十五名均係

達州東鄉河南湖廣籍貫從賊日久未便久羈

緣距臣較遠當將各犯全行正法所有徐添壽

等九犯卽擬解赴臣軍營審辦阿哈保等現在

派兵搜山並據探報通江陳谷礮地方又有另
股賊匪從西鄉洪口竄入俟搜捕事竣卽帶兵
前往迎剿等情臣查徐添壽與徐添德同惡相
濟在賊營最爲兇悍先准德楞泰知會在西鄉
毗河舖老林被官兵衝分兩股徐添壽卽與樊
人傑同走一路今徐添壽等罪惡貫盈幸賴

聖主天威將積年首惡並渠魁子弟全數生擒川民

聞之無不爲之稱快現在徐添德夫婦首級業
經德楞泰派弁解赴達州懸示茲臣已將廣安
匪案辦竣卽日馳赴前敵將各犯訊明分別嚴
辦後亦當一併懸首示衆以彰

國法至此次兵勇殲除逆黨洵屬出力間有陣亡
受傷者統俟查明咨部辦理又近據廣元文武
稟報盜獲匪犯王騰鳳一名臣提營審訊係首

逆王廷詔之胞弟向在營內管事自王廷詔被擒後該犯卽溷迹四川希圖漏網經隘口兵勇盤獲解送前來

臣

訊明後卽將該犯正法再

臣

查刻下川省賊情節據各文武稟報有高二餘黨高見奇股匪並冷姓魏棒棒等逆在廣元縣境東北老林往來游奕而通江陳谷礮地方又有自陝竄來另股之賊太平縣屬城口及大寧

縣屬雞心嶺等處有黃白藍等號匪衆先後闖入滋擾或千餘人或數百人分股出沒並巫山縣之木瓜溪一帶又有巴東竄來股匪是川省邊界刻下賊股較多自係經畧額勒登保叅贊德楞泰在陝楚地界連得勝仗將各股餘匪全逼入川正是極好機會惟川省現祇臣一路征兵勢難分投迎擊昨已遵

旨飛咨七十五帶兵迅速回川卽在川東境內剿辦
庶不致顧此遺彼奏人

上命軍機大臣傳諭勒保曰此次阿哈保薛大烈探
得巴州境內有青黃藍三號賊匪當卽帶兵兼程
前往并派令將弁分路埋伏連夜進兵奮力截擊
卽生擒徐添德之弟徐添壽王登廷之弟王登高
及渠魁子姪僞元帥總兵探馬頭等共計殲擒賊

匪一千六百餘名實爲奮勇勒保雖馳赴廣安隣
水一帶辦理匪案未曾親身督陣而阿哈保薛大
烈皆勒保所派調度得宜且查辦廣安州另案亦
屬妥速勒保著賞還二品翎頂并賞給玉搬指大
小荷包阿哈保著加恩授爲正紅旗護軍統領伊
子阿彥托克托本係上虞備用處拜唐阿著加恩
陞爲該處藍翎侍衛薛大烈之子著加恩賞給千

總並著勒保詢問薛大烈現有幾子自行選擇一

人送部引見補用阿哈保薛大烈仍各賞給玉搬

指大小荷包所有硃筆圈出之將弁應如何陞用

之處著勒保據實保奏候朕加恩並發去玉搬指

小刀火鑷包鼻烟壺鼻烟盒各五件交勒保阿哈

保分賞此次出力人員以示獎勵徐添壽雖非極

惡首逆不在懸賞嚴拏之列但諺犯自徐添德瀧

斃後賊匪復推爲首甚爲兇悍著勒保查係何人
擒獲及該犯如何被獲情形據實奏明量予陞賞
再據奏廣元文武稟報盤獲首逆王廷詔之胞姪
王騰鳳一犯係何處隘口兵勇盤獲亦著勒保查
明酌加賞賚至現在川省已無大股賊匪據稱不
過千餘人或數百人分路出沒易於剿淨勒保此
時已將廣安匪案辦竣卽日馳赴前敵務須督率

阿哈保薛大烈等分投搜捕若能將此數股賊匪
卽在川境內迅速殲除淨盡在陝楚蕝事之前遞
到捷音必將勒保優加懋賞倘未能在川境辦竣
復任餘匪竄往陝楚邊界則勒保不但無功而且
有過勉之望之

同日陸有仁奏言

臣

連日接據探報賊匪冉學

勝一股復經提督楊遇春於平利孟石嶺等處

節次殲除止存二三百人遁入古里渡老林現

在分兵搜捕卽日自可淨盡又賊匪龍紹周戴

家營等股由平利兩扇門折回鎮坪叅贊德楞

泰現由石寨河一帶兜剿經畧額勒登保帶兵

繞至竹谿邊界以遏賊匪東竄之路又楚省零

匪一股竄至白河縣之南岔溝等處經明亮德

昌帶兵追剿賊卽分股折回竹山邊界又賊匪

唐明萬一股竄入西鄉平樂鹽場一帶經總兵
九十帶兵進剿又苟文明餘匪亦竄至西鄉之
鹿池山經寨勇堵截現折回通江各等語查各
路大兵在平利境內已幾及四旬該縣壤地荒
僻屢被賊匪滋擾現在趕運軍糧俱以重價由
隣境僱覓人夫驢騾協濟而兵分數路進止靡
常刻下經畧叅贊大兵距縣城五六百里不等

運糧一次往返卽須十餘日兼之山溝林箐每
有敗殘餘匪潛藏運糧夫騾間被賊匪刦殺則
在後者更覺畏縮不前種種情形殊爲棘手

臣

惟恐糧餉稍有遲悞卽預派護陝安道趙洵督
同署興安府周光裕分帶委員隨地隨時繞路
運送並趕解各營兵餉幸俱源源運到並無缺
悞而趙洵周光裕及知縣任奎光等亦能籌辦

周詳不遺餘力本月仰蒙

賞撥晉省銀四十萬兩爲補發陝省例餉之需惟軍

餉更爲緊要伏查粵餉三十萬兩前經奏明撥

還甘省此時陝省待用更急於甘省臣萬不得

已擬俟日內粵餉進關卽將此項暫爲截留稍

濟目前急需仍俟隨後餉銀充裕再爲照數解

甘歸欵奏入

上命軍機大臣傳諭吉慶瑚圖禮書魯陸有仁曰現在軍務將次告竣陝省一切善後需用較繁著於

廣東現在解京粵盈庫項內撥銀二十萬兩淮南捐項下撥銀二十萬兩一併解往陝省交與陸有仁收貯備用該督撫等務須遴委妥員迅速解交并飭沿途各州縣小心護送毋得稍有延緩踈虞陸有仁亦當飛飭沿途各州縣催趲前進迅速到

陝摶節支用勿因餉項充裕致滋糜費

十二日

丙戌

吳熊光全保長齡奏言查湯劉等逆

經官兵連次痛剿潰敗奔逃均由紅坪一帶南

向有折回川境之勢七十五孫清元等兩路緊

躡自東北逼向西南由寶石店孟園分道並進

適據明亮德昌報稱前竄竹谿石板河賊股勢

欲東趨經畧額勒登保業由會灣白家壩抄來

督剿相距已近明亮德昌先經叅贊德楞泰札

調並經臣等知會亦由唐家坪大石巖趕及在

曹家坡接仗殺賊三百餘名該處山險路仄滾

跌落澗者甚多匪衆捨命折向下三壩復圍朝

陽洞寨索討糧食明亮德昌帶兵趕至解圍追

殺二十餘里斃賊百餘人前後奪獲騾馬刀矛

等件生擒張成玉王必先李虎陳狗兒等四十

三名訊供此股賊匪係陳元帥與樊二掌櫃合

夥合白號高家營零匪約有二三千人等語二

十五六等日據報有戴家營並崔宗和胡明元

二逆賊股被陝省官兵剿急在西溝西面河一

帶經卡員守備胡宗典鄧興相截住復翻漆扒

老林由豐溪繞至洞賓口一路又與川省竄來

藍號李炳合夥東竄而龍紹周張家營等股賊

匪又從大寧邊界菜子壩巴豆園等處闌入叅

贊德楞泰統領勝兵走洞賓口倍道兜來剿辦

在江巖地方得有勝仗兵勢極爲壯盛臣等以

境內賊股較多恐其躲過經畧叅贊大兵併力

東竄一面飛催孫清元等就近迎探賊蹤不論

何股隨兜隨剿臣全保長齡抽帶馬隊由廟坪

扁担溝一帶進兜賊見官兵卽竄老林馬隊不

能行走隨督率侍衛塔津保副將海麟等分投

率領奮勇官兵入林轟擊賊始散出計殺賊二

百餘人生擒馬探張盛遠等十二名奪獲長矛

鳥鎗等件鄉勇陳文有受傷陣亡查訊賊供係

龍逆等分出前隊之賊意欲向北竄走現仍折

回西路遁去

臣

等隨即飛飭孫清元一路取道

東北乘勢邀截在舉人坪將龍逆大隊截住不

令向東北兩路肆突額勒登保復督兵從竹山
蒲溪瓦桑河而來德楞泰親率大兵抄至賊前

由房屬板橙堙上龕等處從東向西南兜回逼

擊^臣等仍卽率領官兵由高唐河一路顧住東

北逼進隨探得龍逆等折回杉樹坪已與戴家

營崔胡二逆會合賊蹤奔竄甚速沿途擒殺零

星竄匪日有百餘名數十名不等看來此等剿

敗零匪不難掃除惟二竹房縣路徑叢雜須隨
時相度地利攔剿節經知會七十五孫清元等
由學堂溝平渡河分道前往就近聽候額勒登
保德楞泰指示剿辦今據報湯劉等逆已至九
道梁張公橋奔入川境七十五跟追而去龍崔
等逆已向朱家溝向家壩前竄是因東北面扼
住要隘不敢突回大兵正可儘力逼進或用夾

剿或用圍擊臣等隨時約會額勒登保德楞泰

剿辦亟思乘此勝師雲集歲功完善適因二十

七八九等日大雨如注山水陡發丈餘焦灼不

能言喻額勒登保德楞泰應已統兵分投夾剿

向川陝邊境緊進房竹興山邊境一帶均有落

後餘匪或五六十人或二三十人藏匿山林巖

洞者不少臣等現派文武各員弁分投承段搜

捕以期淨盡刻下賊勢不過向川陝邊界無兵
處逃遁實已無他伎倆惟股數分合不定而賊
供總以楚境尙可掠食秋稼登場難必其不乘
官兵他顧窺伺突入若以境內肅清而論卽當
擇要安卡嚴密堵截惟此時賊股尙未遠竄西
南邊境二千數百里抽配兵力分撥駐卡未能
旬日間猝辦周妥今就目前賊勢總不出西南

兩面西面平利接壤則以竹谿之豐溪爲扼要
南面大寧接壤則以房縣之上龕爲扼要查明
亮已奉

旨回京所有原帶馬步官兵臣長齡現已趕往督率

管領與德昌在豐溪一帶守禦竹谿西面孫清

元吉林泰一路官兵臣全保督率管帶在上龕

等處邊防房縣南面則西南兩路均有大隊不

致分而見單隨時迎截皆可得力

臣

吳熊光在

來房竹策應兩路仍督運糧餉並辦理地方事
件俟賊遠去再行籌定沿邊守隘截堵事宜亦
可不致遲悞再湯劉等股前次散竄興山時零

匪突至麻線坪經同知尹英圖馮振鷺遊擊孫
效前等率勇迎截殺賊四十餘人擒獲旗手賊
目周泰淑一名鄉勇譚宗勝陣亡外委金萬青

張紹祖在五里坡擒獲先鋒馮子仁龍老么二
名殺賊三十餘人搶獲矛子等件又委員知縣

徐如灝張世維等日內收撫賊營逃出改悔民

人間立名等二百餘名臣等均卽妥爲安插辦

理頗有成效徐如灝帶領鄉勇無多在孟峪河
遇賊接仗殺賊二十餘名生擒曾成秀等四名
訊明正法洵爲奮勉能事至前後活賊均於解

營日訊明分別辦理奏入

上命軍機大臣傳諭吳熊光全保長齡曰現在湯劉等逆經吳熊光等督領官兵追逼已由九道梁奔入川境龍崔等逆亦由朱家溝等處逃竄是楚省賊匪吳熊光等僅能逼剿出境實無功足錄其摺內以大雨如注等語鋪敘試思雨水間阻官兵不能前進何以賊匪又得迅速奔逃辦理究不免遲

緩現在各股賊匪業經出境益當加意嚴防其豐
溪一帶長齡德昌在彼守禦上龕等處有全保
孫清元吉林泰在彼防堵西南兩路均有大兵自
可扼要迎截已將兩路帶兵大員存記以定將來
功過賊匪窮蹙之際總思至楚境掠食若官兵逼
剿緊急難保其不乘間窺伺倘續經折竄長齡等
能督率將弁認真剿捕將緊要賊首按名擒獲悉

數殲除卽係伊等之功若再任其闌入復不能痛
加剿戮賊匪由何路竄出惟該一路防堵之員是

問

其與賊匪無涉自係防堵不力以致賊匪得以竄入
應嚴次查林表其定規防堵四圍嚴緝以保大汛且
總司防備南邊備防固守以保界土倉庫等處可全無
疑則亦各軍備訓練其自就其防堵以保其界

欽定剿平三省鄂匪方略正編卷二百六十六年辛酉

七月十七日

辛卯

額勒登保奏言竊

臣

前將竄楚

之崔胡等賊匪兇截至陝境胡溪一帶誠恐該

匪復折向東急思剿洗上月二十九日乘雨勢

稍止卽飭兵勇設法趕搭浮橋數處令札克塔

爾穆克登布先帶步隊兵勇由叮噹溝上江硎

山行走

臣

親率馬隊官兵相繼而進時至午後

札克塔爾穆克登布等趕抵石板河望見賊匪
數百人在牛皮溝一帶掠食當卽各帶兵勇進
剿札克塔爾綸布春楊芳由右路牛皮溝前進
穆克登布豐紳柔吉斯塔爾由左路光頂山前
進該匪一見官兵卽向四面山林中奔逸遊擊
王兆龍千總周天章萬彪等帶領兵勇斃賊一
百數十人生擒五十三名所剩餘匪一二十八

遁入胡溪臣亦卽帶領馬隊趕抵唐家坪將獲

犯訊供內有偽總兵尹大興一名據稱營內老
掌櫃係戴四有一千餘人崔宗和胡明元係戴
四手下元帥我又係崔胡元帥手下總兵戴四
掌櫃又會合青號及王山一股二千餘人先在
陝境清水河與龍紹周商量分爲兩路先後到
湖北來走至洞賓口紅巖溝遇見官兵截殺就

將青號王山之賊衝散走瓦桑河去我們走到
山坪下三壩一帶原想東去又聞有大兵從王
家山來故折回胡溪今日戴四掌櫃等令我帶
二百餘人到牛皮溝找尋糧食並打聽官兵消
息仍欲乘間東奔不想被官兵追殺等供臣當
將該犯凌遲處死其餘生擒各犯全係積年牙
手一併正法始知崔胡等逆卽係戴四股內之

賊次日五鼓復派札克塔爾楊芳帶兵由劉家
坪胡溪溝向西進剿戴四及崔胡等逆又派穆
克登布豐紳綸布春帶兵探剿東竄瓦桑河王
山青號之賊是日札克塔爾兵至胡溪溝戴四
賊股聞風連夜由古牛渡化龍山向繖子坪西
竄穆克登布豐紳綸布春等昌雨帶兵由魚溪
河茅坡探蹤前進初三日據報賊匪竄至大團

包由廣龍灘翻越老林至火燒坪天池埡向北
逃逸穆克登布等現在躡蹤緊追初五日接德
楞泰來信龍紹周等股賊衆被兵抄過東面於
瓦房坪木耳溝平頭河一帶兜剿截回該匪於
深山無路之處亂竄向西南馬鬃嶺由徐家壩
遁入川界太平境內德楞泰現在緊追入川其
楊遇春所剿冉學勝股匪本祇剩有二三百人

因有青號徐添壽股匪劉濱在灤河山林內避
藏與之合夥人數較增經官兵躡蹤追殺由灤
河一帶深山老林四路竄匿楊遇春等督率將
弁兵勇分路步行進剿山中本無路徑而賊匪
輾轉奔竄皆係人跡罕到非常險峻之區其狡
惡實爲可恨上月二十四五等日楊遇春等於
藍家山追及賊蹤將弁兵勇奮力向前刀矛並

舉殺賊數十人生擒十五名賊匪拚命迎拒兩
傍樹林中又有伏賊突出守備李國杰猝中矛
傷數處陣亡兵勇亦有傷亡賊人仍竄踞山巔
擲石抗拒楊遇春格布舍張鳳等率同兵勇奮
力上攻天時酷熱守備吳廷楷觸暑撲地殞命
兵勇等受熱身死者亦有十餘人是日傍晚官
兵搶上山巔賊匪已由懸岩陡壁攀援樹木跳

躍而下察探該處係由三朝王廟翻界嶺走兩扇
門入川之路地勢萬分險阻本無道路步行兵
勇先將鎗矛接遞猱升魚貫而進而大隊斷難
行走楊遇春遂挑撥健壯兵勇一千八百名令
副將應元寬叅將張瑛遊擊李東宣等徒步率
領由兩扇門入川追剿楊遇春又據土人報稱
沿河一帶各有各股會台之賊約共三千餘人在

彼奔竄楊遇春遂與格布舍張鳳並喜明等帶
領馬步官兵由蘭河口埽坪進剿茲據呈報二
十九日師抵玉子坪正遇該匪千餘人楊遇春
格布舍帶領馬隊抄剿張鳳喜明等率領步隊
兵勇奮擊斃賊百餘人中鎗帶箭甚多餘衆四
散逃遁我軍分投追趕五六十里沿途又殺賊
三百餘名生擒一百七十三名該匪連夜歸入

大夥由扶陽廟向班鳩關逃竄并據獲犯李其
祿供稱我們各股張添倫樊人傑等均係被剿
逃匿先後於滔河一帶會合實有三千多人昨
日分出一千餘人以汪友志爲先鋒今日打仗
亦被殺死等語當將從逆日人者九十七名正
法其餘給票省釋楊遇春等仍由鐵佛寺取道
截擊該提督并據應元寬張瑗李東宣稟報賊

匪竄過兩扇門之後已由高觀寺竄至大寧之

後坪一帶該處有由南天門入陝之路楊遇春

等併差人偵探以備迎擊

臣

一面飛札城口防

堵總兵託雲秦務須確探合力截擊伏念

臣

前

此人楚本欲與德楞秦就地將各股賊匪殲除

不意山大林深賊蹤飄忽且自六月下旬後數

日內雨水更多晝夜不止

臣

雖未敢稍懈而官

兵於泥淖之中奔走跋涉備極勞苦竟未能窮
追痛剿實深愧憤但楚境賊匪湯思蛟劉朝選
等由九道梁洪坪入川七十五已帶兵追去德
楞泰跟剿龍紹周等大股亦由徐家壩緊躡入
川楚境已無大股賊匪現在所剿之青號玉山
等殘匪二千餘人在竹谿界內穆克登布豐紳
日內冒雨追剿勢必遁入陝界楚境一經肅清

防堵尤爲緊要臣已札商吳熊光全保長齡督

李孫清元吉林泰德昌於陝楚交界之平利竹

谿川楚交界之大寧房竹一帶趕緊設兵分段

妥爲防堵設或邊界深山老林零匪竄匿楚省

設防官兵自可立時搜剿再查戴四崔胡等賊

匪旣竄織子坪西趨必奔滔河恐與楊遇春等

現剿之張樊曾姚等逆曾台又竄川之賊若經

德楞泰賽冲阿七十五等緊剿在川不能存住
亦必由太平界嶺入紫陽安康則西紫一帶更

屬萬緊

臣

帶領札克塔爾劉瑞楊芳等卽由竹

葉關會家壩向西探剿而進入陝後並可督率

楊遇春格布舍等趕緊籌剿淨盡又查漢江北

岸之南山一帶恐有餘孽未除當經飛飭總兵
劉之仁等協力搜捕茲連據稟報寧陝之西河

腦莖菜灘八里坪等處有零星餘匪數十人至
百餘人不等其留壩界內亦據報尙有零匪三
百餘人皆非有名賊曰多係前此各股內被剿
窮蹙零星竄匿餘匪聞大兵已遠潛出滋擾亦
必須實力搜盡現據劉之仁雒昂及該處廳縣
稟報先後追殺並搜獲賊人或數人或一二十
人不等其中並有自行投出者亦經劉之仁等

吳棟並接長麟來信於查閱寧陝之便業經派
委該鎮所屬之叅將李英多等各帶兵勇分路
搜剿並責成劉之仁督催趕辦其留壩界內之
賊亦經慶成派令總兵富蘭率領兵勇一千餘
名前往剿捕臣刻又嚴飭各該員迅速搜緝當
可剋日殲除不致延蔓

額勒登保又奏言臣查各股賊匪之內除掌櫃

元帥等名目之外其總兵先鋒本屬不少當剿辦大股之際惟訊其一二著名首逆爲何人迨

一經剿潰四散狂奔則總兵先鋒又各自爲首復有手下之人而著名首逆轉莫測其所向且各股首逆除去一人又立一人是以賊首賊目

除冉學勝等十數人外尙有崔宗和胡明元姚馨佐辛斗賴姓羅姓苟文富劉姓張姓等諸如

此類要皆係賊股中原有之人並非賊股外有
所增益至於各股夥黨經官兵節次剿敗之後
往往彼股之賊附入此股則此股之數驟增此
股被剿潰散則數又驟減刻下各處寨堡雖已
完固而民人有在田力作者有出外貿易者賊
匪猝然而來亦間有裹脅然被脅之人皆非甘
心從逆或乘間散出或臨陣逃回究不能盡爲

賊用刻下臣惟有督率各路官兵合力痛剿則

各首逆與各股賊目賊匪日見消亡自可次第

完事奏入

上命軍機大臣傳諭額勒登保曰此次札克塔爾穆克登布等分路截剿戴四崔胡等逆楊遇春剿辦冉學勝股匪及張樊曾姚等逆前後殲擒賊匪無多而冉學勝湯以蛟劉朝選龍紹周等股俱已竄

往四川現在賊匪又稍覺散漫但川境團勇結寨
極爲整齊賊匪不能擄掠從前原有將賊匪逼入
四川爲一鼓殲擒之計今湯劉龍冉等逆俱經逼
往德楞泰七十五緊躡追剿兵威壯盛自無難剋
期奏捷此時楚境已無大股賊匪額勒登保札商
吳熊光全保等於川陝楚交界設兵分段防堵所
辦甚是額勒登保現帶札克塔爾等由竹葉關向

西探擊並督率楊遇春等截剿務須卽在川陝邊
界將戴四崔胡張樊曾姚等逆悉數殲擒不可再
有稽遲至摺內所稱連日大雨溪澗漲發官兵於
泥淖之中跋涉勞苦未能窮追痛剿等語本年夏
令雨水較多額勒登保所奏自係實情朕亦深信
不疑但此旨到時已屆白露氣候晴爽道路乾燥
正可施展兵力尙有何言藉口耶所有中矛陣亡

之守備李國杰著咨部賜卹又守備吳廷楷及兵
勇等十餘人於打仗時觸暑受熱殞命亦著照陣
亡例賜卹又據奏查明各股首逆賊目并將現在
各股中賊匪數目開單進呈朕閱單內所開賊匪
數目共計二萬四千餘人據額勒登保稱各處堡
寨完固賊匪已無可裹脅卽在田力作及出外貿
易之人猝遇裹脅又皆能乘間逃回現在兵勇之

多數倍於賊經各路痛剿賊必有減無增已將此
單存留嗣後每次軍營奏報到時將殲擒賊匪若
十名在單內註明扣除如單開數日逐漸減少而
奔竄者仍復如故則此次所開賊數又不足爲憑
額勒登保等將何以對朕耶至蕭福祿前在陝省
專辦高見竒一股賊匪自高見竒竄入川省後未
見蕭福祿跟剿赴川會降旨令額勒登保查奏此

次額勒登保摺內亦未經提及蕭福祿此時究在何處是否係額勒登保續行改調抑係有意逗遛著卽查明具奏

二十二日丙申德楞泰奏言臣帶兵由高旺山桐

木園前進旋據哨探並跟蹤之千總馮正朝等先後稟報龍逆等賊匪又由湖溪白河口轉向天池壩翻山南竄其戴家營崔胡二逆先已分

股折竄竹谿之五里堽遁去等語是龍逆等探

知四面有兵不敢深入楚境意欲折竄回川

臣

帶兵卽取道翻鐘鼓山二十九日冒雨趕至公

子嶺有賊匪七八百人正在溝內擄掠

臣

督率

賽冲阿温春色爾滾馬瑜蒲尙佐等直前剿捕

賊見官兵卽逃經馬步兵勇分投趕剿殺賊二

百餘名生擒余善珠等六十四名餘匪紛紛四

散爬山逃遁又經兵勇搜獲周萬順等二十三
名時雨勢愈大山高林密未能痛剿官兵無不
憤恨切齒訊據獲犯余善珠等供稱龍紹周等
被官兵追趕實在畏懼聽他說只有在老林翻
來翻去兵馬不能進來今逃散之人甚多又怕
官兵趕上因分作幾起或千餘人或七八百人
教令爬山越嶺總不許在大路行走官兵趕上

容易藏匿總要使官兵累乏不能追趕並無一
定趨向等語訊明後除從賊日久周萬順等三

十五名正法外難民彭九元等五十二名概給

銀米路票面加撫慰就近令其回籍安業差探

賊衆乘雨分竄俱向茅古坪乾溝一帶狂奔

臣

督率賽冲阿温春色爾滾馬瑜蒲尙佐等帶領
馬步兵勇分路極力追剿沿途逃出難民劉大

忠會朝 昇等僉稱龍紹周到茅古坪又遇見王
國賢一千餘人商量合夥過陝西去王國賢聽
見官兵追趕不肯同走就折回楚境尋我戴家
營龍紹周纔走分水嶺東去等語查分水嶺東
北通紅坪卽出房保西南由巴斗園卽通楚之
二竹_臣卽派令孫清元等帶兵扼截紅坪一路
其西南之巴斗園卽令賽冲阿蒲尙佐等帶領

兵勇前往臣仍督率溫春色爾滾馬瑜等緊躡

賊蹤詎該逆知東西北三面皆有官兵不敢折

竄遂翻極險老箐出蕭家坡苦草壩逃竄賊匪

時分時合其意總欲疲我兵馬臣鼓勵各將弁

兵勇連日冒雨不予以暇初四日至大寧縣屬

之徐家壩探報龍逆等由小禾坪二郎壩向石

背山前竄是夜雨仍不止正可出其不意趕緊

進剿臣卽挑出奮勇馬步兵勇於四更後前進

辰刻趕至石背山關廟地方遙見賊匪七八百

人亦係分出小股業已起行臣督率溫春色爾

滾馬瑜等帶馬步兵勇趕至關廟山溝時賽冲

阿蒲尙佐等亦帶兵趕到臣等分投衝殺立斃

賊匪三百餘名生擒李長宗等七十三名賊衆

又復紛紛四散越嶺遁逃馬步兵勇分投追趕

二十餘里殺賊五六十名生擒周增尙等一百

二十一名餘匪向桐油壩一帶西逃獲犯訊無

要供隨卽照例分別辦理旬日內亦有逃出難

民來營請票者共計七百六十餘名訊明後卽

給予銀米路票令其回籍

臣

查龍紹周等賊股

原有七八千之衆馬騾六七百匹

臣

疊次擒

剿現在不過四五千人馬騾二三百匹惟該逆

探知^臣帶兵追剿據獲犯並難民等前後僉供

賊情實在畏懼故分出多股翻越老山箐林希

圖牽綴我兵苟延殘喘^臣鼓勵將士兵勇仍卽

緊跟無論何往總期竭力剿除又^臣兵抵徐家

壩適楊遇春派來副將應元寬叅將張瑗等帶

領步兵鄉勇二千餘各自兩扇門老林追剿冉

學勝股匪由太平之高觀寺至此據稱楊遇春

格布舍等帶領馬隊由界嶺入川迎剿因兩扇
門道路匹馬難行令其步行先帶兵勇尾躡賊
蹤前來查冉學勝賊匪東奔冀圖竄陝該逆知

臣由楚入川又復折向西逃臣卽撥給將備等

馬匹仍令其跟蹤而進頃又探有白號張家營
一股賊匪二千餘人於二十九日由下壩河地
方西竄其前屯桐油壩一帶之冉添泗及王士

虎餘黨二千餘人並苟文明賊匪三四千人於
初一初二等日俱隨張家營賊股西走是各股
賊匪均因楚陝追剿萬緊不能屯聚先後悉折
入川盡由後背山下壩河烏龍坪陸續向西逃
走察其情形非由太平向西鄉紫陽折竄卽出
開縣惟湯思蛟劉朝選賊股四五千由後背
山竄走尖山坪係出雲陽之路七十五於初三

日自大寧取道寶塔進剿臣飛行札知令其由

核桃壩一碗泉紅池壩入山截擊如該逆折回

西來可期與臣兩面夾攻其冉學勝股匪二三

百人刻探已於初六日由下壩河尾隨而逃應

元寬等業已緊跟追剿又查龍紹周等股賊匪

由桐油壩翻山向百里荒老林竄往太平之後

坪此刻各股賊匪盡向太平一帶奔逃楊遇春

格布舍等自已帶兵由界嶺入川臣惟有竭盡

血誠督同楊遇春七十五等趕緊進剿又接到

額勒登保來信現在入川賊股較多趕緊將楚

省賊匪肅清後卽帶兵赴川陝交界一帶前來

探剿再前次剿辦徐添德出力各員謹遵

旨詳細查明酌擬陞賞開單呈

覽恭候

訓示奏入

上命軍機大臣傳諭德楞泰曰此次龍紹周等股經
德楞泰督率官兵奮力追剿先後殲擒賊匪共八
百餘名將各匪逼向太平一帶折竄所辦尙好從
前原有將各股賊匪逼入川境爲一鼓殲擒之議
今龍冉湯劉等逆俱經竄至川境該處築堡完固
賊匪自無食可掠而德楞泰又已統領大兵督同

楊過春七十五等緊躡追擊正當趁此股匪屯集
之時聚而殲洗不可稍予以暇又致蔓延其招內
稱訊據獲犯供稱龍紹周等被官兵追趕實在畏
懼等語賊匪當此震懾兵威之際正當乘其窮蹙
畏懼示以一綫生路著德楞泰出示曉諭賊營以
該逆等雖經抗拒官兵殘害百姓但較之徐添德
高三馬五等極惡首逆尚屬有間今各處逃竄不

過貪生畏死現已屢奉恩旨賊目中有自行投出者概免誅戮爾等若果棄械投營固難格外邀恩予以官職必當仰體我皇上好生之德奏明於萬無可赦之中貸其一死若該逆等執迷不悟不肯投出現當秋高氣爽雨水已停各路官兵雲集一經被擒不特身受極刑且牽累同夥多人俱遭戮戮何不亟思改計庶有生機如此剴切詳諭亦解

散之一法至前此懸立賞格擒拏賊首今極惡首
逆已陸續就擒所餘者不過賊中小頭目數人德
楞秦仍當傳諭將弁兵勇有能將各首逆臨陣殲
擒者卽從前懸賞內未經列入之犯亦一體分別
陞賞倘賊首自行投出亦不准將弁等作爲縛獻
希冀邀功總之一面曉諭賊營予以生路一面激
勵兵勇不少鬆勁自可事半功倍也本年夏令雨

水較多德楞泰所稱該處連日大雨泥潦難行自
係實在情形但此旨到時已過白露氣候就涼雨
水已少正可施展兵力德楞泰惟當督率將弁鼓
勇乘勝卽在川省境內將賊匪趕緊兜剿迅速蕩
功朕必優加懋賞勉之望之

上諭內閣曰德楞泰奏剿辦徐添德奮勇出力各員
酌擬陞賞開單進呈三等待衛珠勒杭阿著賞給

二等侍衛吉林領催委官獎賞藍翎昭福黑龍江
驍騎校獎賞藍翎富永阿馬甲獎賞藍翎托爾托
善均著賞換花翎吉杯前鋒委官瑚慎保額外驍
騎校富森保領催委官伊林保黑龍江領催委額
外筆帖式德爾吉善圖彌善馬甲扎丹保成都前
鋒崇祿均著賞戴藍翎盛京防禦獎賞花翎達明
阿吉林防禦強謙巴圖魯達椿黑龍江驍騎校獎

賞花翎伊臧阿均著以佐領陞用吉林驍騎校獎
賞藍翎烏林德著以防禦陞用吉林領催委官西
倫保黑龍江領催委驍騎校圖卜沁著以驍騎校
陞用都司高發榮著加恩賞換花翎遊擊楊登魁
都司珠勒亨著加恩賞戴花翎千總鄒志賢把總
楊正春外委毛萬玉馬兵李萬有楊得榮陳國奉
胡元龍戰兵李正彪呂文舉守兵謝榮鄉勇軍功

趙九大俱著加恩賞戴藍翎以示鼓勵

同日勒保奏言臣由廣安起身馳赴前敵七月

初九日行抵通江縣屬土門子地方據阿哈保
薛大烈等報稱官兵於石漣山打仗後因派兵
搜山在該境暫紮數日嗣移師向陳谷礮一路
探賊進剿途次據報陳谷礮之賊係苟文明等
股匪已向西鄉交界竄去而附近之高山寨地

方有高家營賊匪從廣元折回在彼屯紮分向
核桃壩木魚溪等處滋擾距我兵一百三四十

里阿哈保薛大烈酌定道路當派遊擊陳龍驤

李得楊春榮都司馬成林薛陞守備邱鳳岐等

帶領兵勇前隊向西西溪一帶抄截阿哈保薛

大烈督同將領兵勇由核桃壩一路進攻初六

日辰刻遊擊陳龍驤與楊春榮先到該匪等已

由高山寨擾向河壩攻撲崖洞該遊擊等不及
候齊後隊卽驅兵掩襲殺賊六七十名賊衆拋
棄牛馬向山梁奔竄洞民未受其害該遊擊等
卽乘勝翻過兩重山梁忽見密林中突出賊匪
數十人楊春榮猝不及防急放箭射斃一賊賊
衆逼近楊春榮復拔刀手刃兩賊匪衆圍裏不
退楊春榮身受矛傷陣亡兵勇撲救亦間有傷

損賊卽趁勢下壓幸陳龍驤督兵抵住正在相
持後隊李得馬成林薛陞邱鳳岐等皆陸續趕
到鎗箭齊施斃賊五十餘名將賊擊退時阿哈
保薛大烈得信知賊匪已翻山竄逸卽督同馬
步官兵由山腰覓路抄襲至土地坡趕上賊隊
經協領達斯呼爾岱遊擊傅廷佐等帶領馬隊
馳擊箭射如雨副將張績叅將羅聲臯李錦麟

遊擊鄔海慶等率同出隊奮勇力撲殺賊七八
十名賊衆著鎗帶箭滾崖落澗者甚多餘匪向
深林密箐中奔竄時已昏暮又值陰雨阿哈保
薛大烈等恐有賊匪埋伏不便冒昧窮追遂會
集紮營次日探得賊匪已向烏林埡竄去現在
督兵兜剿又據署巴州知州田文煦稟報有高
家營分出餘匪二三百人竄入該州元灘地方

擄糧滋擾該州卽移會把總陳安邦帶領防守

兵勇及團練五百名前往堵剿匪衆正在該處

避雨該把總帶軍功張我經王三畧魏文賢等

領衆直前殺賊二十三名生擒活賊九名逃出

苟潮定張王氏等十四名口餘賊追至兩河口

晒灘過河竄去各等語再太平一路前有陝省

剿散賊匪竄入經臣札飭總兵托雲泰就近抽

帶城口駐防兵勇向青花溪一路剿辦去後該
鎮帶領兵勇自城口起身由大竹河官渡灣進
發六月二十八日行近南津關探有賊匪一股
在彼屯紮該鎮卽督催兵勇於辰刻趕抵南津
關匪衆約有數百人占踞山梁官兵奮力仰攻
至巳刻我兵搶上直撲斃賊五六十名匪衆追
入山坳林內我兵奮勇進林追殺將賊匪壓下

追至通天觀賊匪四散狂奔我兵分投追捕共斃賊一百五六十名生擒僞先鋒子仲探馬頭

王思得大旗手唐給紳等及男婦共五六十名

搶獲唐字大旗等件該鎮將各犯訊明分別正

法其餘被擄難民李大川李周氏等三十一名

口交太平縣遞籍釋放臣查阿哈保薛大烈等

所追高逆餘匪剿捕未盡尙在南江地方而苟

文明等股匪亦在南江西鄉交界游奕其廣元

蒼溪境內又有冷姓及魏棒棒等逆在彼滋擾

臣現派永寧前往下游接防更替許文謨前赴

上游會同張志林分段防堵似此嚴密布置江

防諒可無虞但自陝竄入川北各匪股數較多

旣無陝兵跟追自應急爲剿辦臣於初十日行

抵麻城石地方距前敵已近現在趕緊馳往督

同阿哈保薛大烈等將州北各股賊匪次第肅
清至川東一路現查七十五在楚境兜剿賊匪
已轉回大寧所有陝楚折回川東之賊卽專交
七十五就近剿辦其太平一路剿敗餘匪亦卽
飭交托雲泰趕緊搜剿以期分投辦理早清川
境奏入

上命機大臣傳諭勒保曰高家營苟文明唐明萬

等股殘匪分竄通江巴州南江各地方經勒保派
令官兵分投剿殺共殲擒賊匪四五百人本日據
德楞泰奏報龍冉湯劉等逆均已逼入川境太平
一帶德楞泰帶領官兵跟蹤追剿勒保發摺時准
知七十五在楚境兜剿賊匪轉回大寧尙未接到
德楞泰來川之信前此川省帶兵大員止有勒保
一人時赴川東時赴川北徒勞奔走今川東股匪

有德楞泰七十五兩路官兵足資剿捕其川北一帶之賊專交勒保剿辦勒保惟當督飭阿哈保等上緊籌剿總期於秋令內將各股餘匪全數殲除不可再有遲緩至勒保係四川總督目下雖不能前往川東但該處一切軍需糧餉皆當兼顧現又不待伊奏請撥餉已諭令吉慶書魯共撥銀四十萬兩派委委員迅速解交勒保以備應用該省軍

儲更爲饒裕現在德楞泰等俱已入川大兵雲集
陝楚糧運各員不能越境供給勒保尤應嚴飭局
員妥速供支俾川東川北均得源源接濟不可稍
有缺乏爲要

上又命軍機大臣傳諭古慶書魯曰現在軍務將次
告竣川省一切善後需用較繁著於廣東粵盈庫
項內撥銀二十萬兩淮商捐項內撥銀二十萬兩

一併解往川省交勒保收貯備用務須遴委妥員

迅速解交並飭沿途各州縣小心護送毋得稍有

遲緩疎虞

大司馬館言與書魯曰武平軍旅

不詳於文命要

員妥委於文與川東山北往將就對向不回

測步國取各員不道法對其命世林武顯

對更餘輪谷與山臨林家等具已入山大